



JABATAN KEMAJUAN ISLAM MALAYSIA

TEKS KHUTBAH

Tajuk :

“TABAYYUN DALAM ZAMAN INFORMASI”

Tarikh Dibaca :

17 JAMADIL AWAL 1442H /

1 JANUARI 2021

Disediakan oleh :

Jabatan Kemajuan Islam Malaysia



“TABAYYUN DALAM ZAMAN INFORMASI”

17 JAMADIL AWAL 1442H / 1 JANUARI 2021

إِنَّ الْحَمْدَ لِلَّهِ، نَحْمَدُهُ وَنُسْتَعِينُهُ وَنَسْتَغْفِرُهُ وَنَتُوبُ إِلَيْهِ، وَنَعُوذُ بِاللَّهِ مِنْ شُرُورِ أَنْفُسِنَا
وَمِنْ سَيِّئَاتِ أَعْمَالِنَا، مَنْ يَهْدِ اللَّهُ فَهُوَ الْمُهْتَدِ وَمَنْ يُضِلِّ فَلَنْ تَجِدَ لَهُ وَلِيًّا مُرْشِدًا.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ، اللَّهُمَّ
صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ دَعَا بِدَعْوَتِهِ إِلَى يَوْمِ الدِّينِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَنَفْسِي بِتَقْوَى اللَّهِ وَطَاعَتِهِ لَعَلَّكُمْ
تُفْلِحُونَ. قَالَ تَعَالَى أَعُوذُ بِاللَّهِ مِنَ الشَّيْطَانِ الرَّجِيمِ : يَا أَيُّهَا الَّذِينَ ءَامَنُوا إِنْ
جَاءَكُمْ فَاسِقٌ بِنَبَأٍ فَتَبَيَّنُوا أَنْ تُصِيبُوا قَوْمًا بِجَهْلَةٍ فَتُصْبِحُوا عَلَىٰ مَا فَعَلْتُمْ
نَادِمِينَ ٦

Sidang Jemaah yang dirahmati Allah,

Bertakwalah kepada Allah SWT dengan melaksanakan segala yang perintah-Nya dan meninggalkan segala larangan-Nya. Khutbah pada hari ini bertajuk “**Tabayyun Dalam Zaman Informasi**”.

Sidang Jemaah yang dirahmati Allah,

Kita telah pun masuk ke tahun baharu 2021. Pastiya kita semua mengharapkan tahun baharu ini memberikan sinar harapan dan kebaikan kepada kita semua. Kita perlu persiapkan diri kita dengan perancangan dan ilmu bagi menghadapi tahun baharu. Kita juga perlu terus berdoa agar Allah SWT menghilangkan wabak Covid-19 agar kita dapat melaksanakan syiar Islam dengan baik dan sempurna dan seterusnya dapat melaksanakan segala perancangan dengan lancar. Pastiya, tahun 2021 juga memiliki cabaran yang tersendiri. Inilah masanya untuk kita semua bangkit menuju kehidupan yang lebih baik dengan kita saling bekerjasama dan saling membantu. Dalam masa yang sama, teruskanlah kawalan sendiri dan pematuhan S.O.P sepertimana yang telah ditetapkan oleh pihak berkuasa.

Sidang Jemaah yang dirahmati Allah,

Dalam era perkembangan teknologi dan informasi yang sangat pesat kini, kehidupan manusia sangat tergantung pada teknologi. Hampir semua aktiviti kehidupan manusia tidak lepas dari kemudahan-kemudahan yang dihasilkan dari perkembangan teknologi. Perubahan pola kehidupan manusia ini tentunya membawa pengaruh, baik positif mahupun negatif, sehingga memerlukan persediaan mental dan spiritual pada setiap individu. Tanpa persediaan yang benar, kita akan terumbang-ambing dengan pelbagai informasi yang rancak membanjiri dunia maya, khususnya dalam media sosial. Kebanjiran informasi menuntut kita untuk lebih cermat memilih sumber informasi yang benar-benar sah dan boleh menjadi rujukan dalam menentukan langkah kehidupan.

Allah SWT berfirman dalam Surah al-Hujurat ayat 6 seperti yang diabcakan pada awal khutbah tadi yang bermaksud:

“Wahai orang-orang yang beriman! Jika datang kepada kamu seorang fasik membawa sesuatu berita, maka selidikilah (untuk menentukan) kebenarannya, supaya kamu tidak menimpakan sesuatu kaum dengan perkara yang tidak diingini - dengan sebab kejahilan kamu (mengenainya) - sehingga menjadikan kamu menyesali apa yang kamu telah lakukan.”

Sikap dan tanggungjawab seorang mukmin apabila menerima sesuatu berita ialah memastikan bahawa berita yang diterima itu adalah benar dan tepat. Selain itu, setiap mukmin mestilah bersikap tenang tanpa tergesa-gesa; mengawal diri, dan tidak mudah melenting. Kita juga tidak boleh terburu-buru dengan terus mempercayai segala informasi yang kita terima. Kita perlu menelusuri siapa, dari mana, dan atas motif apa berita tersebut muncul dengan bertabayyun. Tambahan pula, di media sosial, terdapat juga banyak pihak tidak bertanggungjawab yang sedang berusaha menyebarkan berita palsu dan sentimen kebencian.

Dalam pada itu juga, kita juga tidak boleh cepat menyebarkan sesuatu berita yang kita terima sebagaimana disebut oleh Rasulullah SAW dalam sebuah hadis:

كَفَى بِالْمَرْءِ كَذِبًا أَنْ يُحَدِّثَ بِكُلِّ مَا سَمِعَ

Mafhumnya: “Cukuplah bagi seseorang itu digelar pendusta apabila menceritakan semua yang didengarinya (tanpa tabayyun)” (Hadis riwayat Imam Muslim)

Sidang Jemaah yang dirahmati Allah,

Banyak isu yang berlaku sejak akhir-akhir ini menguji sikap kita sebagai orang beriman. Berita-berita yang tersebar di media sosial juga perlu disaring dengan neraca akal dan iman agar kita dapat bertindak mengikut piawaian syariat. Bukan semua perkara perlu kita ulas lebih-lebih lagi yang bukan dalam bidang pengetahuan kita. Serahkan sahaja kepada pihak yang berautoriti untuk mengendalikannya.

Kita juga faham bahawa integriti merupakan suatu perkara serius yang perlu diambil berat oleh semua lapisan masyarakat. Tanpa integriti yang kukuh, segala amanah dan tanggungjawab yang sepatutnya ditunaikan akan terabai dan mengakibatkan kesusahan kepada orang lain. Ingatlah pesan Rasulullah SAW dalam sebuah hadis:

لَا إِيمَانَ لِمَنْ لَا أَمَانَةَ لَهُ وَلَا دِينَ لِمَنْ لَا عَهْدَ لَهُ

Mafhumnya; “Tidak beriman bagi orang yang tidak amanah dan tidak ada agama bagi orang yang tidak memegang janji.” (Hadis riwayat Imam Ahmad)

Justeru, atas mimbar yang mulia ini, saya ingin menyeru kepada semua umat Islam agar kita lebih bijak untuk menerima sesuatu berita. Selidikilah terlebih dahulu sebarang berita yang diterima. Jangan pula kita cepat menghukum tanpa mengetahui asas kebenaran berita tersebut.

Kita berharap dan berdoa kepada Allah SWT, agar Allah SWT memudahkan segala urusan kita, dan melimpahkan nikmat-Nya, menjauhkan segala bentuk musibah berupa wabak penyakit, bencana alam, kecuaiian dan lain-lain perkara yang tidak diingini.

Tingkatkanlah integriti masing-masing dalam melaksanakan tugas dan tanggungjawab. Jangan kerana ketamakan kita, pihak lain pula yang menjadi mangsa.

Firman Allah SWT:

يَا أَيُّهَا الَّذِينَ ءَامَنُوا لَا تَخُونُوا اللَّهَ وَالرَّسُولَ وَتَخُونُوا أَمْنَتَكُمْ وَأَنْتُمْ تَعْلَمُونَ ٢٧

Maksudnya: “Wahai orang-orang yang beriman! Janganlah kamu mengkhianati (amanah) Allah dan Rasul-Nya, dan (janganlah) kamu mengkhianati amanah-amanah kamu, sedang kamu mengetahui (salahnya).” (Surah al-Anfal ayat 27)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.

KHUTBAH KEDUA

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ، وَعَلَى آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدَهُ وَرَسُولَهُ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ وَاعْلَمُوا أَنَّ اللَّهَ أَمَرَكُمْ بِأَمْرٍ عَظِيمٍ، أَمَرَكُمْ
بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، فَقَالَ اللَّهُ تَعَالَى إِنَّ اللَّهَ وَمَلَائِكَتُهُ يُصَلُّونَ عَلَى
النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ٥٦

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا صَلَّيْتَ عَلَى سَيِّدِنَا إِبْرَاهِيمَ وَعَلَى
آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ كَمَا بَارَكْتَ عَلَى سَيِّدِنَا
إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ مُجِيدٌ.

وَارْضَ اللَّهُمَّ عَنِ الْخُلَفَاءِ الرَّاشِدِينَ وَعَنْ بَقِيَّةِ الصَّحَابَةِ أَجْمَعِينَ، وَعَنْ التَّابِعِينَ وَتَابِعِي
التَّابِعِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ وَارْضَ عَنَّا مَعَهُمْ يَا أَكْرَمَ الْأَكْرَمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ.

اللَّهُمَّ أَيْدٍ بِدَوَامِ التَّوْفِيقِ وَالْهُدَايَةِ وَالصِّحَّةِ وَالسَّلَامَةِ مَلِكْنَا كَبَاوَهُ دَوْلِي يَغِ مَهَا مُوَلِيَا
سَرِي قُدُوكْ بَكِينِدَا يَغِ دَفَرْتَوَانِ اَكُوغْ ، السُّلْطَانِ عَبْدُ اللَّهِ رِعَايَةُ الدِّينِ الْمُصْطَفَى
بِاللَّهِ شَاهِ ابْنِ الْمَرْحُومِ سُلْطَانِ حَاجِ أَحْمَدِ شَاهِ الْمُسْتَعِينِ بِاللَّهِ.

وَكَذَلِكَ كَبَاهُ دُولِي يَغْ مَهَا مُولِيَا سِرِي قُدُوكْ بِكِينْدَا رَاجْ قُرْمَايسُورِي اِكُوغْ،
تُونُكُو (Tunku) حَاجَه عَزِيْزَه اَمِيْنَه مِيْمُونَه اِسْكَندَرِيَه بِنْتِ الْمَرْحُوْمِ الْمُتَوَكِّلِ عَلَى
اللّٰهِ سُلْطَانِ اِسْكَندَرِ الْحَاجِ.

اللّٰهُمَّ احْفَظْ عُلَمَاءَهُ وَوُزَرَآءَهُ وَقُضَاتَهُ وَعُمَّالَهُ وَرَعَايَاهُ مِنَ الْمُؤْمِنِيْنَ وَ الْمُؤْمِنَاتِ
بِرَحْمَتِكَ يَا اَرْحَمَ الرَّاحِمِيْنَ .

اللّٰهُمَّ اجْعَلْ بَلَدَنَا مَالِيْزِيَا اَمِنًا مُّطْمَئِنًّا، سَخَاءً رِّخَاءً، دَارَ عَدْلٍ وَاِيْمَانٍ، وَاَمْنٍ وَاَمَانٍ،
وَسَائِرِ بِلَادِ الْمُسْلِمِيْنَ.

اللّٰهُمَّ اَعِزِّ الْاِسْلَامَ وَالْمُسْلِمِيْنَ ، وَدَمِّرْ اَعْدَاءَكَ اَعْدَاءَ الدِّيْنِ وَاَنْصُرْ مَنْ نَصَرَ الدِّيْنَ،
وَاخْذَلْ مَنْ خَذَلَ الْمُسْلِمِيْنَ، وَاَعْلِ كَلِمَتَكَ اِلَى يَوْمِ الدِّيْنِ.

اللّٰهُمَّ ادْفَعْ عَنَّا الْبَلَاءَ وَالْغَلَاءَ وَالْوَبَاءَ وَالْفَحْشَاءَ وَالْمُنْكَرَ وَالْمُحْنَ وَالْفِتْنَ، مَا ظَهَرَ مِنْهَا
وَمَا بَطَّنَ، مِنْ بَلَدِنَا هَذَا خَاصَّةً، وَمِنْ بُلْدَانِ الْمُسْلِمِيْنَ عَامَّةً، اِنَّكَ عَلَى كُلِّ شَيْءٍ
قَدِيْرٌ. اللّٰهُمَّ اِنَّا نَعُوْذُ بِكَ مِنَ الْبَرَصِ، وَالْجُنُوْنِ، وَالْجُذَامِ، وَمِنْ سَيِّئِ الْاَسْقَامِ، يَا
اَرْحَمَ الرَّاحِمِيْنَ.

Ya Allah! Dengan sifat-Mu Yang Maha Pemurah dan Maha Mendengar! Engkaulah Yang Maha Berkuasa atas tiap-tiap makhluk. Justeru, kami hamba-Mu yang lemah merayu kepada-Mu agar Engkau angkat dan hilangkan segera wabak penyakit Covid-19 yang sedang melanda kami agar dapat kami melaksanakan syiar-Mu dengan sempurna. Hanya kepada Engkau ya Allah! Tempat kami merintih dan bermunajat.

Ya Allah! Jadikanlah kami dan keturunan kami orang-orang yang istiqamah mendirikan solat secara berjemaah. Sesungguhnya hanya kepada-Mu jua Ya Allah, tempat kami mengadu dan memohon pertolongan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ
الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ۝
فَاذْكُرُوا اللَّهَ الْعَظِيمَ يَذْكُرْكُمْ، وَاشْكُرُوا لَهُ عَلَىٰ نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ
وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.